




Rabu, 02 November 2024

**Ogen: Maleaki 1:6-8**



**"Megombang Man Tuhan"**



Sada masa pernah penulis lewat arah ingan pengadi-ngadin sementara bangsa Cina. I bas piga-piga inganen lit itamaken bagi persembahen. Si menarik perhatin penulis, maka persembahen e erbage-bage jenis buah-buahan; lit rimo, salak, galuh, anggur ras sidebanna janah persembahen e sada pe la lit idah cacatna bage pe lit itamaken sen logam si erdilap denga. Rukur penulis bas ukurna, man kalak si nggo mate isehken persembahen si mehuli dengen si mejile; tentuna perukuren kalak sinamaken persembahen e, berelah si mehulina tupung nehken persembahen gelah ialoken si mehulina ka arah kai si nggo ilakoken. Maleaki 1:6-8 isuratken maka imam-imam nehken persembahen man Dibata alu mekarus dengen la mehamat. I persembahen imam-imam rubia-rubia si pentang; asuh-asuhen si pinakiten bage pe cempang/cacat, teridah maka imam-imam la mehamat er-Dibata i bas ia nehken persembahen. Perbahanen imam-imam e la ngena ate Dibata, emaka ngerana Tuhan nina: *"Aku bapandu, tapi engkai maka la kam mehamat bangKu; Aku tuanndu, engkai maka la ipehagandu Aku; Megombang kam bangKu"*. Persembahen si isehken imam-imam mpeturah rawa Tuhan. Kinilahamaten, kinikarusen dengen kinigombangen imam-imam i bas nehken persembahen erbahanca la ngena ate Tuhan. Megati pe alu si sadari, kita pe rusur kurang mehamat dengen megombang man Tuhan i bas nehken persembahen. Misalna : kurang persikapenta i bas nehken persembahen tupung wari minggu, PJJ bage pe PA; persembahen si iendesken megati kal sen si kita kin pe kurang si akap sikapna (pernah penulis ikut engkira persembahen bas ruang persikapen, sen si lit bas kantung persembahen nggo seh kal mejinna). Alu la si sadari, situhuna kita pe ikut megombang man Tuhan; arah paksa tenengta wari enda, mulihi kita isingetken gelah tupung kita nehken persembahen, sisikapkenlah dengen si endeskenlah si mehulina man Tuhan, kita nggo mehamat man Tuhan.

☞ *Sehkenlah persembahen si mehulina man Tuhan*